

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK
Služba za finansije, privredu i poljoprivredu**

Na osnovu člana 15. Zakona o principima lokalne samouprave u Federaciji BiH („Službene novine Federacije BiH” broj: 49/06 i 51/09), člana 142. stav (1) Statuta Grada Bihaća („Službeni glasnik Grada Bihaća“ broj: 13/15 i 13/18), Gradonačelnik Grada Bihaća objavljuje:

**JAVNI POZIV
za odabir korisnika Projekta „Proizvodim sa TIKA-om -Uzgoj jagode u zaštićenom prostoru u Bihaću“**

I. PRAVO UČEŠĆA

Realizacija ovog projekta podrazumijeva podršku poljoprivrednim proizvođačima u nabavci poljoprivrednog paketa za proizvodnju jagode u visokim tunelima na površini minimalno 500 m², a maksimalno 1000 m² po korisniku. Ukupna planirana površina obuhvaćena ovim projektom je 2 ha poljoprivrednog zemljišta.

Ovaj projekat ima za cilj stvaranje određenih prihoda u poljoprivredi na području grada Bihaća u saradnji sa Turskom agencijom za saradnju i koordinaciju koordinacioni ured u Sarajevu pod nazivom „Proizvodim sa TIKA-om -Uzgoj jagode u zaštićenom prostoru u Bihaću.“

Prijavu/zahtjev za javni poziv mogu podnijeti fizička lica sa prebivalištem na području grada Bihaća koja ispunjavaju kriterije iz javnog poziva.

Osnov za odabir korisnika i način vrednovanja odnose se na opće i posebne kriterije

II. KRITERIJI ZA DODJELU

1. Opći kriteriji

1.a) Potencijalni korisnik ima prebivalište na području grada Bihaća.

1.b) Potencijalni korisnika je upisan u RPG ili je dostavio Izjava o upisu nakon odabira

1.c) Potencijalni korisnik (podnosilac zahtjeva) ili uži član porodice sa kućne liste raspolaže sa minimalno 500 m² raspoloživog poljoprivrednog zemljišta na kome je obezbjeđena voda za navodnjavanje

2. Posebni kriteriji

Maksimalan broj bodova koji se može dodijeliti korisniku iznosi ukupno 100 bodova po svim kriterijima zbirno i to:

- a) Stanje trenutnih aktivnosti u poljoprivrednoj proizvodnji 20 bodova
- b) Kvalitet i pogodnost prijavljene parcele za sadnju jagoda 30 bodova
- c) Broj punoljetnih, nezaposlenih članova porodice10 bodova

- d) Broj izdržavanih članova porodice i visina mjesečnih primanja10 bodova
 e) Prijavljeni korisnik je mlađi od 35 godina15 bodova
 f) Prijavljeni korisnik je nezaposlena i/ili samohrana majka15 bodova

III. POTREBNA DOKUMENTACIJA ZA PRIJAVU NA JAVNI POZIV

Opći kriteriji	Potrebni dokumenti
a) Potencijalni korisnik ima prebivalište u gradu Bihaću	- potvrda CIPS
b) Potvrda RPG i RK ili Izjava	Potvrda o upisu u RPG i RK ili Izjava da će se upisati nakon odabira korisnika
c) Potencijalni korisnik raspolaže sa minimalno 500 m ² poljoprivrednog zemljišta	Kopija posjedovnog lista izdatog od strane nadležne službe o vlasništvu zemlje i/ili neka od formi ugovora aplikanta ili člana porodice (ugovor o kupoprodaji, ugovor o zakupu, ugovor o poklonu, ugovor o korištenju, pravosnažno rješenje)
Posebni kriteriji	Potrebni dokumenti
a) Potencijalni korisnik projekta se već bavi, ili se bavio proizvodnjom jagode ili nekih drugih voćnih kultura	a)Ugovor sa zadrugom ili otkupnom stanicom Zemljište vlasništvo 1/1,(maksimalno 20 bodova)
b) Kvalitet i pogodnost prijavljene parcele za uzgoj jagoda	-Parcele koje se katastarski vode kao oranice ili voćnjaci i do 100 metara udaljene od mjesta stanovanja korisnika (10 bodova) -Parcele koje se katastarski vode kao livade, pašnjaci ili dvorišta i do100 metara udaljene od mjesta stanovanja korisnika (5 bodova) -Mogućnost navodnjavanja prijavljene parcele (maksimalno 30 bodova)
c) Broj članova domaćinstva/ broj punoljetnih članova domaćinstva	Kućna lista domaćinstva ovjerena od nadležne službe grada Bihaća i koja sadrži popis svih članova porodice podnosioca prijave/ zahtjeva, njihovu starosnu dob i zanimanje (maksimalno 10 bodova)
d) Izdržavani članovi porodice i visina mjesečnih novčanih primanja porodice	Kućna lista i za punoljetne članove porodice dokaz o visini primanja ovjerena platna lista, ček od penzije, uvjerenje sa biroa rada, (maksimalno 10 bodova za porodice koje imaju do 500 KM mjesečno primanje kao i za porodice koje imaju do 250 KM po članu domaćinstva)
e) Podnosilac zahtjeva spada u kategoriju mladih osoba (do 35 godina)	Identično kao pod 3, (maksimalno 15 bodova)
f) Samohrane i nezaposlene majke	Rješenjem ili potvrdom koja se pribavlja od nadležnog organa ili drugog pravnog lica kod kojeg se vode službene evidencije (maksimalno 15 bodova)

IV. PROCEDURA ZA ODABIR KORISNIKA

Izbor korisnika po javnom pozivu vrši komisija koju svojim rješenjem imenuje Gradonačelnik.

Zadatak komisije je da pregleda prispjele prijave, utvrdi da li su iste blagovremene i potpune, evidentira kandidate koji ispunjavaju uslove iz javnog poziva, obavi uviđaj na licu mjesta, sačini listu krajnjih korisnika te dostavi Gradonačelniku na saglasnost.

Rezultati o izboru korisnika projekta objavit će se na oglasnoj tabli, web stranici i na društvenim mrežama grada Bihaća.

U slučaju istog broja bodova, prednost će imati kandidati koji imaju status samohranih roditelja, mlade osobe i žene kao korisnici projekta.

NAPOMENA

Obrasci zahtjeva za prijavu i obrasci izjave se mogu preuzeti na info pultu grada Bihaća. Rok za podnošenje zahtjeva je **15 dana** od dana objavljivanja Javnog poziva na oglasnoj tabli, web stranici i na društvenim mrežama grada Bihaća, a o istom će se poljoprivredni proizvođači obavjestiti putem Službe za kabinetske poslove i MZ-e.

Prijava sa pratećom dokumentacijom se dostavlja u Gradsku upravu Grada Bihaća putem pošte, ili lično na protokol Grada Bihaća u zapečaćenoj koverti sa naznakom:

**Prijava na javni poziv:
„Odabir korisnika Projekta „Proizvodim sa TIKa-om -Uzgoj jagode u zaštićenom
prostoru u Bihaću“
NE OTVARAJ**

Obaveza odabranih korisnika:

Podnositelji prijave/zahtjeva koji budu izabrani kao korisnici projekta na osnovu javnog poziva dužni su izvršiti potrebne agrotehničke mjere pripreme zemljišta za uzgoj ove kulture, obezbijediti sredstva za kupovinu repromaterijala (mulch folija, sistem za navodnjavanje sa potrebnim brojem rezervoara za vodu, sredstva za prihranu i zaštitu) i za stručnu uslugu agronoma.

Ako se analizom zemljišta kod odabranih korisnika ustanovi da ph vijednost zemljišta ne odgovara za uzgoj ove kulture, isti će biti eliminisani kod odabira.

Sve dodatne informacije mogu se dobiti u Službi za finansije, privredu i poljoprivredu Grada Bihaća, ili na telefon broj: 037/229-630 i 037/229-620 svakim radnim danom od 08.00-15:30 sati.

Javni poziv ostaje otvoren do 30. 03. 2022. godine

Nepotpune i neblagovremene prijave se neće uzeti u razmatranje.

Dostaviti:

1. Služba za finansije, privredu i poljoprivredu
2. Oglasna ploča
3. a/a

Broj: _____

Datum: _____

Gradonačelnik

Šuhret Fazlić